





太宗文皇帝實錄

永樂二年春正月癸卯朔

上御奉天殿受朝賀大宴文武群臣及四夷朝使命
婦朝

皇后于坤寧宮錫宴夜有星如鷄子大青白色有光
出正西雲中西北行至近濁

甲辰

勅諭天下文武諸司曰朕惟事天以誠敬為本愛
民以實惠為先書曰惟天惠民又曰安民則惠然
天之視聽皆因於民能愛人即所以使天朕嗣位

以來嘗以此戒諭爾等而治軍者或不卹軍治民者或不卹民非^惟不卹又有刻害之者甚違朕意今春時和東作方興宜各究心務實申明教術勸課農桑問其疾苦卹其飢寒革苛刻之風崇寬厚之政以迓天休臻于治理欽哉

乙巳

復命戶部尚書夏原吉往蘇州治水原吉時自蘇州還言水雖由故道入海而舊河港未盡疏通非經久計於是命復行仍命大理寺少卿袁復副之都察院左都御史陳瑛劾奏右軍都督僉事陳俊

陪祀

太廟失儀命下錦衣衛獄 巡按北京監察御史周幹劾奏都指揮張鏞縱肆貪奸受鎮朔等衛白金命鞫之

丙午

楚世子孟烷還國賜之鈔幣各布政司府州官進表者辭歸

上諭之曰治天下以天下之心為心為治一方者以一方之心為心朕居君位夙夜念慮未嘗忘民每思飲食衣服百物之奉皆出民力民或有寒不得

衣饑不得食勞不得息朕何忍獨安爾等皆以才
賢為國家任牧民之職夫受人寄者當盡已之力
為人上者當推已之心治民之道惠養為急不害
播種則民無飢不妨蠶桑則民無寒蓋民之衣食
皆出已力未嘗仰給公家惟賴公家統理以免強
陵衆暴之患爾爾等當明其利害順其好惡去其
為惡之人則為善者自安懲其趨末之習則務本
者自固慎毋有所擾之先數年以來軍旅供給民
勞為甚今略得休息正如病者初差宜保養調護
若復勞擾病將愈深其歸戒之 洮州衛百戶按

宗巴他立及西番火把等十三簇頭目喃刺約等
來朝貢馬賜銀鈔衣幣有差

丁未

復遣監生劉源等三十二人分行郡縣訪求

太祖高皇帝御製詩文 戶部言廣西桂林府所屬
全州儲糧四萬三千八百八十餘石歲久陳腐宜
令轉輸桂林府以給歲用從之

戊申

揚州府高郵州耆民言自州北門至張家溝湖岸
兩京之要路民田之巨防湖納天長盱眙諸水雨

潦漲溢風波衝決衝隄岸每歲修築施復傾圯阻
絕驛路傷損民田乞遣人相度重為修理從之
己酉

命都指揮呂毅鎮守寧波賜鈔六十錠

庚戌享

太廟有道士獻道經者

上曰朕所用治天下者五經耳道經何用斥去之既
而諭侍臣曰上好正道則下不為邪人主好尚稍
不謹慎人懷僥倖之心者恣縱妄誕以投所好苟
墮其計將來流害無窮矣故不得不斥

辛亥

詔近年漫散軍士亡失軍器藏民間者悉送官

命宣府備禦武城侯王聰同安侯火真率騎兵千人

馬千五百匹巡羅迤北 禮部尚書李至剛劾奏

戶部右侍郎李文郁無故不陪祀

太廟命下刑部治之部論文郁大不敬譴戍三萬衛

都察院左都御史陳瑛劾奏陝西按察副使王煜

娶屬官司獄女為妻失風憲體徵下獄 福建行

都司都指揮僉事劉達以受所部私餽譴戍邊海

夜月犯軒轅左角宿

丁巳

遣使齎勅諭占城國王占巴的賴曰爾奏數為安南國所侵朕已遣人諭之令息兵安民今安南王胡查陳詞服罪不敢復肆侵越人能改過斯無過矣爾亦宜務輯睦用保下人一陞燕山左衛指揮同知王煥為都指揮僉事 元宵節賜文武群臣宴定屯田賞罰例凡管屯都指揮及千百戶所管軍旗各以其歲所入之數通計以為賞罰一歲軍士食米人十二石之外人均餘十二石者百戶賞鈔百錠千戶百一十錠指揮百二十錠都指揮

百三十錠均餘十一石以下至七石之五等每等視各遞減賞十錠均餘六石者都指揮指揮千戶俱無賞罰均餘五石者百戶罰俸一月千戶二十日指揮十五日都指揮十日均餘四石者百戶罰俸二月千戶一月指揮二十日都指揮十五日均餘三石者百戶罰俸三月千戶二月指揮一月指揮二十日均餘二石者百戶罰俸四月千戶三月指揮二月都指揮一月均餘一石者百戶罰俸五月千戶四月指揮三月都指揮二月均餘無者百戶罰俸六月千戶五月指揮四月都指揮三月軍

士食米人十二石之內人均缺一石者百戶罰俸
七月千戶六月指揮五月都指揮四月均缺二石
以上至六石之五等每等視前各遞增罰一月其
總旗則與^可管軍旗通計均有餘糧十二石十一
石者其月糧並全支米均餘十石者總旗月糧支
米者一石二斗小旗一石軍九斗均餘九石者總
旗月糧支米者一石小旗九斗軍八斗均餘八石
者總旗月糧支米^者九斗者小旗八斗軍七斗均餘
七石總旗月糧支米者八斗小旗七斗軍六斗餘
並準支以鈔自總旗以下餘糧不及前數及食糧

十二石之內有缺者其月糧則並米鈔均支如故
其軍除餘糧至十二石入倉而復有餘者聽其自
用所定賞罰直隸從巡按監察御史在外從按察
司官覈實然後行之

上諭群臣曰凡合衆作事必^有懲勸之道然後人皆
思奮人人皆奮何功不成此法行之數年必有成
效但在任之得人爾

戊午

詔自今有犯交易銀兩之禁者免死徙家興州屯
戍^果撫安江西給事中朱肇勅奏江西按察司副

使梁成惟薄不脩難居風憲
上曰按察司一方之風化郡邑之表率所係既不能
正家何以正人謫戍于邊

己未

戶部尚書郁新奏湖廣儲衛上去年屯田所入租
數例當考較然所收物不一今宜以耒為度準之
每粟穀糜黍大麥蕎麥各二石稻谷菊秫各二石
五斗稗稗三石并各準米一石小麥芝麻並與
米等從之命著為令

庚申

命以守城功陞前燕府紀善李達袁圭吳牧相佐王

克敬王安王弁李能何順甄實前監察御史柯榮

俱為給事中擢寧國府學訓導陳仲完為翰林

院編修陞永平府通判潘粟為山東布政司右叅

議行太僕寺丞李文榮為福建布政司右叅議

雲南布政司左叅議張定生變亂舊章下獄河南

鄭州榮澤縣言蝗蝻傷稼稅糧乞以豆菽代輸從

之脩揚州府泰州河塘圩岸萬八千六百五十丈

辛酉

陞羽林前衛千戶吳祥忽剌出俱為指揮同知張

保子為指揮僉事 禁民下海時福建瀕海居民私載海船交通外國因而為寇郡縣以聞遂下令禁民間海船原有海船者悉改為平頭船所在有司防其出入 夜有星自梗河出如鷄子大青白色東行三晝尺許有光如盞大入天紀

壬戌

陸太醫院判韓公茂為本院使御醫莊彥忠為院判 復劉瓚廣西道監察御史瓚洪武中為御史建文中出為杞縣知縣至是復之

命京衛造海船五十艘

癸亥

以故中軍都督僉事山青子雲龍父原職為金吾左衛指揮使 將遣使西洋諸國命福建造海船五艘

甲子

陸羽林前衛指揮僉事陸拾玖為本衛指揮同知 千戶吳添兒金吾左衛千戶毛春王通倪旺劉原俱為本衛指揮同知張人敬李塘曹大王岩閔成 崔信紀成趙進林清秦泰秦亮王斗童金吾右衛 千戶千家驢劉全俱為本衛指揮僉事

丙寅命鎮守貴州鎮遠候顧成以官所市馬二千匹悉給諸衛軍士計數千匹

戊辰

禮部以會試天下舉人奏請官考試

上命翰林院侍讀學士解縉侍讀黃淮為考試官賜宴於本部 陝西都指揮使孫霖以私役軍士及逼索所部貨賄致罪謫戍寧夏

己巳

遣駙馬都尉永春侯王寧隆平侯張信齎壘書詔

世子及郡王高熈赴京 陞燕山右衛指揮使李和為都指揮使掌燕山左衛事羽林前衛千戶解忠為羽林衛指揮同知大寧中護衛指揮僉事陳英為府軍衛指揮同知金吾右衛千戶趙真為本衛指揮同知 戶部尚書郁新言河南等處管屯都指揮劉英等上屯田歲收之數臣等計之一人所耕不足自供半歲之食皆英等怠惰不嚴督所致宜罪之以警衆

上以法令初行姑宥之遂召英等諭曰屯田軍國之大務已驗之良法爾等不留心如此徒坐享厚祿

何為用兵數年今始得休閒而民已疲弊若復後
疲弊之民以贍休閒之卒為民者愈困為兵者將
惰矣蓋畜兵以衛民豈以兵困民汝等宜深思之
用心勤力以督下人若今歲仍復怠惰耕獲不及
論罪如法悔無及矣

庚午

陸鴻臚寺卿楊砥為禮部右侍郎臨江府同知汪
同為陝西按察司副使蓬州判官周英為僉事徐
州判官晏璧為山東按察司僉事永州府通判楊
銳為河南按察司僉事 陸金吾右衛指揮僉事

王旭為本衛指揮同知

戶部左侍郎孫瑜坐事

左遷北京行太僕寺少卿

辛未

都察院左都御史陳瑛劾奏掌山西都司事都督
僉事曹遠都指揮使房照擅罪軍職命錦衣衛徵
下獄 夜有星如鷄子大赤色有光出天市西垣
南行入天江

大明文皇帝實錄

大明文皇帝實錄

永樂二年二月壬申朔蜀世子悅燠來朝

勅江西總兵官襄城伯李濟等曰永新縣民流劫朕即位之初不欲發兵慮害及無辜故且遣人招諭使各復業改過自新今得奏知彼不悛前非為患尤甚殺死弓兵里長及邀捉巡檢等事如此即不可再以理論必當發兵勦捕爾可選精銳三千直抵賊巢穴務在儀滅穴不可姑息以遺民患但今農作方興尤當警戒將士嚴守紀律毋得擾害善良妨誤耕種如獲賊人尤須詳審果曾為惡即解赴

京來如係誑誤平民就便發遣寧家毋得濫入無辜以傷天和又勅濬曰所言賊人二百名恐非實數今往勦捕慮將士但求滿數而不察是非濫及無辜切湏戒之但有悞傷良善一家及妄虜良民妻妾子女一人指為賊屬者皆處重罪雖有功不賞爾宜嚴切戒飭毋令擾害良善

癸酉

忽刺溫等處女直野人頭目把刺答哈來朝置奴兒干衛以把刺塔哈刺孫等四人為指揮同知古驢等為千戶所鎮撫賜誥印冠帶襲衣及鈔幣有

差禮部引奏北方歲貢生員入學十年考不中試者例當充吏

上曰人心志舒恭則能學四體不勞則能學衣食溫飽則能學責人之功當量其力諭人之罪當明其情北方近三四年間兵戈擾攘諸生舍俎豆而事軍旅飛芻輓粟之勞奔走流離之苦豈暇於學今考不中式者可發回原學補其廢學年數以俟再試再試中如例處之

甲戌

命金吾左衛故指揮同知劉海子玉故指揮僉事

劉義子本羽林前衛故指揮僉事禿魯帖木兒子
罕禿哈兒俱襲父職

乙亥

江西按察使周觀政有罪謫為河澗府驛夫

丙子

復紀諄監察御史諄洪武中為御史建文中出知
睢寧縣至是復之以江西永新縣叛寇未平命豐

上城侯李彬率步騎兵二千前去策應勒補彬陞辭

賜鈔四十錠

丁丑

遣官釋奠先師孔子 蜀世子悅嬾辭歸賜鈔二

千錠

上召毋連河等處朝使至前問勞之久而退

上顧侍臣曰夷狄之人萬里來朝若不與之相接稍

上垂顧問彼必不樂侍臣進曰

陛下懷柔遠人之恩至矣但嚮所問者皆田獵之樂

上其人民畜產未嘗一言及之臣愚竊所未諭

上曰獵是其性之所欲若問其人民畜產彼心必疑

上朕方懷柔遠人豈可使之疑也

戊寅祭

太祀

大理寺臣奏市民以小秤交易者請論違制
律

上問工部臣曰小秤之禁已申明否對曰文移諸司
矣曰榜諭於市否對曰未

上曰官府雖有令民固未悉知之民知令則不犯令
不從則加刑不令而刑之不仁其釋之夜有星
如鷄子大青白色有光出柳宿東南行入星宿

庚辰

皇后千秋節文武官命婦朝于坤寧宮錫宴 增設

湖廣靖州衛中右中中中前中後前前五千戶所

辛巳

戶部言四川永通鹽課司金石井竈丁自陳本井
歲額鹽八萬三千七百三十斤去山遠難得薪健
為縣福全保通二井水鹹薪便一歲可得鹽十萬
餘斤乞就彼開煎為便從之

壬午

擢涇縣丞孫述密縣丞程法孟縣丞李維享偃師
縣丞孫英孟津縣丞李選新安縣丞裴榮臨漳縣
丞韓隸宜陽縣主簿王順俱為給事中象山縣丞

張翥為監察御史 陞永平衛指揮僉事谷祥為
都指揮使仍守平永 設北京兵馬指揮司置指揮
一員副指揮四員首領官吏目一員

甲申

除直隸蘇州府崑山等六縣戶絕田四千七百九
十七頃九十一畝有奇稅糧 先是戶部尚書郁
新奏河東鹽積聚多已令運至揚壺站遞運所倉
又令各站轉運至河東分運司迤山西布政司右
叅政蔚綬等言民貧路險難以輸運宜令商人中
鹽年久者量增引數以為路費使就闕之庶免勞民

上命六部議至是議奏云河東地方每引加四十斤
陝西朝邑縣山西平陽府聞喜縣每引加八十斤
山西平陽府翼城縣每引加二百十斤陝西西安
府每引加百四十斤河南府推忻每引加一引從
之

乙酉

禮部奏請會試進士之數

上問洪武中所選幾何尚書李志剛對曰各科不同
多者四百七十人少者三十人

上曰朕即位初取士姑準其多者後不為例又曰學

者城材亦難當取其大畧其細如十分中有一二分語疵而不害理亦可備數然科舉是國家取人材第一路不可濫且文體毋尚虛浮惟取朴實脩江浦至大興等二十九馬驛命江西諸郡民其稅糧及五百石^者市馬給之

丙戌

遣應天府官祭先農命郡耆老陪祀著為令陸金吾左衛千戶崔讓盧海俱為本衛指揮僉事兀者衛頭目脫_、哈等五十三人來朝別設兀者左衛以脫_、哈為指揮同知未合赤吉等為指揮

僉事餘為千百戶鎮撫賜誥印冠帶襲衣及鈔幣有差刑科都給事中馬禎有罪下獄遂陞本科給事中楊恭為都給事中

丁亥

雲南布政司左叅政張定以罪謫為德州驛夫

戊子

皇孫生賜名瞻峻世子第二子也戶部尚書郁新等言往年為北京軍儲不足下令開中益糧淮浙鹽於北京倉納米者每引二斗五升於德州倉納米者每引三斗五升今北京所轄地方米價已

賤若仍准前例誠為虧官二處宜通一斗從之
承運庫大使周端等言廣東地廣民稀鹽課無商
中納軍民多食私鹽宜令所司覈實人口大口歲
食鹽十二斤小口半之每斤納鈔三百文於近場
支納為宜從之 夜有星如盞大赤黃色跡有光
出天津東行至近濁
已丑

江西總兵官襄城伯李濬奏永新縣寇首悉已就
獲其餘衆俱革心改過還家復業遂勅豐城候李
彬駐兵南昌勿進 改築廣西興安縣分水塘縣

砌石埭分水為二溝南渠通海北渠通湖廣可行
舟楫溉民田為利甚博舊於埭上疊石魚鱗以防
漲溢衝激之患或有損壞隨且修葺民不為勞洪
武中巡按監察御史嚴震直欲廣河流撒去魚鱗
石增高石埭遇水泛勢無所洩衝塘決岸奔趨比
渠而南渠澁行舟不通田失灌溉連年修築百姓
苦之至是縣言乞改作如舊為便從之 修鎮府

丹徒縣練湖隄岸浙江寧波府象山縣芟湖塘岸
刑科給事中奏強盜該死罪其中有年十五以下
者兩人昨蒙恩宥其死但沒入習匠輸作終身

等揆理論之彼雖年幼既能行劫亦當被刑不
免死
上不從曰童稚未成人者本無知覺嚮非成人者誘
之豈能自為盜耶朕特推此情矜之爾豈肯屈法
濫恩又曰古者悼不加刑二兇去悼之歲皆不遠
况試其力皆不能勝二斗粟果有秦舞陽童區寄
之能可曲貸乎

庚寅

遺內官楊真童等往孟定木邦二府頒賜土官刀
名杜等綵幣

壬辰

琉球國中山王世子_武寧遣姪三吾良亶等以其王
祭度卒未告訃命禮部遣使祭之賻以布帛遂詔
武寧襲爵詔曰聖王之治協和萬邦繼承天之道
率由常典故琉球國中山王察度受命

皇考太祖高皇帝作屏東藩克脩臣節暨朕即位率
先歸誠今既亡歿所宜有後爾武_寧乃其世子特
封爾為琉球國中山王以承厥世惟儉以循身敬
以養德忠以事上仁以撫下克循茲道作鎮海邦
永延世祚欽哉

癸巳

陸撫州府通判高勉為福建按察僉事萬縣知縣
郭子瀘為廣西按察司僉事 下今天都司衛所
屯軍百人以上者止以百戶一人督耕三百人以
上者千戶一人五百人以上者指揮一人毋多曠
軍職其舍人餘丁願耕者聽 建寧府知府芮麟
言府儒學及孔子廟朱文公祠燬于火請擇地改
建從之

甲午

命陝西郡縣造皮襖給賜守邊軍士 前軍都督

府言龍驤衛千戶妻無子妾之子代職居常見惡
於妻今妻以刃刺其子傷足妾告妻欲殺子請並
治之

上曰妻固可罪但傷足或非有殺之意今使其母子
嫡妾兩造具備於獄吏之前有傷倫理可付其夫自
治 寧夏總兵官左都督何福言河州等處永樂
元年官所易恭馬多請給軍士從之

乙未

擢徐溝縣知縣王進為四川道監察御史
命工部修補國子監經籍板 夜有星如盞大赤色

命有光出紫微垣間闔門外西北行入北斗柄

丙申

改金吾右衛指揮同知劉毅為金吾左衛指揮同

知

丁酉

遼王植第八子生賜名貴忻復建山西陽曲縣

工軒轅廟蓋舊廟燬于火也池州府銅陵縣民汪

行進

太祖高皇帝御製文一冊錫鈔二十錠禮部會試

天下舉人得揚相等四百七十二人

戊戌

陸金吾左衛千戶錢勝周士良俱為本衛指揮僉

事

己亥

揚州府海門縣言縣有張港墩東明港相去百餘

里舊遇風濤人多溺死官為修築隄岸民賴以安

近因潮水衝激壞岸其害尤甚乞准舊例撥淮安

蘓常三郡民丁農隙之時修築

上諭工部臣曰淮安之民近方安業蘇常二郡多苦

水患不可重勞其遣人驗視果便於民則發揚州

府所屬州縣民丁協力修築高郵州寶應縣言
境內范光白馬二湖隄岸民資以禦水患而連歲
為風浪衝齧今東作方興乞權加修補候農隙發
丁夫築砌從之東脩直隸興化縣南北塘岸

庚子

陞工科都給事中趙毅為工部左侍郎鴻臚寺序
班李嘉以守城功為通政司右叅議改右叅政陳
定為左叅議復錢勉為禮科給事中勉建文初出
為鄆縣知縣坐事落職至是召復之貴州宣慰
使安卜范遣人貢馬夜有星如盞大青白色光

燭地出西北雲中西北行至雲中

太宗文皇帝實錄

太宗文皇帝實錄

永樂二年三月壬寅朔

上御奉天殿試禮部選中舉人楊相等四百七十二人制策曰朕聞聖人之治天下明於天之經察於地之義周於萬物之務其道貫古今而不易也是故黃帝堯舜統承先聖垂衣而治神化宜民朕惟欲探其精微之蘊曆象禹貢洪範載於書大衍河圖洛書著於易古今異說朕惟欲致其合一之歸興學有法立賢無言方而古今異制朕惟欲通其所今以教育參其所以明揚古者禮樂皆有書今儀禮

曲禮周禮僅存而樂書闕焉朕惟欲考三禮之文
補樂書之闕定黃鍾之律極制作之盛皆聖人治
道所當論也咨爾多士承朕

皇考聖神文武欽明啓運俊德成功統天大孝

高皇帝作新餘四十年必知務明體適用之學敷納
于編朕親考焉命敷惠王允熨冠命平江伯

陳瑄充總兵官前軍都督僉事宣信充副總兵師
舟師海運糧儲往北京安定衛千戶三即等來

朝陞三即等三人為指揮僉事餘為千戶鎮撫等
官仍賜本衛指揮同知哈三及三即等白金綵幣

有差通勅安定衛指揮千百戶年老及亡歿者悉

聽子弟代襲

甲辰

遣內官張勤等頒賜麓川緬甸二宣慰使司及孟
養府土官思行發等綵幣紗羅等物

乙巳

上御奉天殿閱舉人對策擢曾榮為第一賜榮四百
七十二人進士及第出身有差

丙午

擢湖口縣知縣石魯為陝西道監察御史賜進

士曾榮冠服銀帶餘並賜鈔五錠是日賜宴于會
同館

丁未

上御奉天殿進士曾榮等上表謝恩

己酉吏部奏授進士曾榮等官命第一甲曾榮為
翰林院修撰周述周孟簡俱為編修仍命於第二
甲擇文學優等揚相等五十人及善書者湯流等
十人俱為翰林院庶吉士俾仍進學擢第三甲方
昶等二十人為行人司行人餘於諸司觀政 裁
減湖廣江華縣縣丞主簿 修廣東雷州府海康

徐聞二縣那隱坡調黎等港堤岸 鎮江府丹徒

縣民言境內舊有江通湖水旱可灌溉澇得疏泄
後因淤塞居民墾以為田澇則滄及田廬旱則灌溉
失利洪武中雖嘗浚滌旋復淤塞乞於農隙倍加
疏浚永為民便從之

庚戌

吏部尚書蹇義等奏有千戶奏薦士初朝廷命文
臣舉懷才抱德者武臣不與命千戶所奏違制制
宜罪之

上曰朝廷初下令求賢武臣不與命者蓋慮其不學

昧於知人念能薦亦是忠君愛國之心不用罪之
昔馬周因常何而進今所薦固未必有周之才然
亦徵來如試之果有才一體授官否則罷之刑
部尚書鄭賜等奏湖廣江夏縣民有父死以銀營
葬具者在法以銀交易當徙邊

上曰朝廷始以鈔法不通皆緣民間銀鈔兼用而率
重銀輕鈔故禁其交易今民喪父自以於治葬之急
而違法終非玩法貪利之心古人哀有喪者宜矜
宥之

辛亥夜有星如鷄子大赤色有光出天市西垣內
東南行至近濁一小星隨之

壬子

陞金吾左衛指揮同知劉玉為本衛指揮使

甲寅

賜翰林院修撰曾棨編修周述周孟簡羅衣各一襲

乙卯

朝鮮國王李芳遠遣陪臣閔無疾貢金銀器四方
物賜鈔及文綺

丁酉

改戶科都給事中蔣良輔為工科都給事中 陞

雲南都指揮使曹隆為後軍都督同知 福建甌
寧縣紀錄軍丁江陰年六歲能記御制大誥詣闕
陳誦賜衣及鈔驛送建寧府儒學讀書

己未

琉球國山北王攀安知遣使亞都結制等貢方物
賜錢鈔文綺綵幣

庚申

上召刑科都給事中楊恭等諭曰國家號令使小人
畏而不犯可矣雖其為惡之心未必革然為上者
用法當以寬不以猛待人當以誠不以偽猛則民

不堪偽則不信去歲命御史給事中往各處撫安
軍民禁止慝奸導其為善臨遣之際諄々告戒務
在安民昨日給事中丁瑛等奏云至四川見無犯
法者乃陰遣親信用銀誘之交易已而果有犯之
是其心終不戒也遂執之瑛不肯刻薄如此假令
民畏法及執陰誘者送官何以處之古人治天下
無非公平正大之道昔唐太宗以物試人待其受
之則加之罪賴魏徵諫而止朕嘗戒此事思得魏
徵其人置於左右今此輩小人但圖邀功不顧枉
陷良善甚孤朕任使其令都察院遣人馳往釋所

誣民而執琰等赴京罪之仍移文各處撫安者使
咸知琰等所為而以為戒 陸翰林院編修王達
為侍讀學士 陸羽林前衛指揮僉事王歪頭金
吾左衛千戶黑狗兒金吾右衛千戶干官音俱為
本衛指揮同知命金吾左衛故千戶梅成子受胡
得林子狗兒俱襲陸本衛指揮同知捌郎子莽哥
帖木兒俱襲父職金吾右衛故指揮僉事王道住
父成任其子職 賜吏部左侍郎許思溫戶部左
侍郎王忠工部右侍郎金忠兵部右侍郎墨麟大
理寺左少卿呂震右寺丞吳中鴻臚寺右寺丞陸

辛酉

永誠通政司右叅議李嘉應天府丞張執中織金
羅衣各一襲 南城兵馬指揮司奏江寧縣民因
治父喪失火延燬官民居數百間請罪之

上曰失火固當罪然初喪父情有可矜姑宥之

陸大理寺左少卿呂震為本寺卿右寺丞吳中為
左少卿

命工部建進士題名碑於國子監命翰林院侍讀學
士王達撰記

壬戌

擢知縣何廣任壇田本宋珏主簿古彥輝鄧宗文
布政使司都事呂彥機衛經歷羅仲顥府知事王
順舉監生李矩周正秦瓚魏清文振許信閑和呂
衡楊祥楊儼任重王理陸必壽王良俱為監察御
史

上御右順門晚朝召後軍都督府及兵部官皆不在
列御史劾奏其不朝罪

上曰朕嘗命百司皆於早朝奏事非警急事當奏者
不須赴晚朝聽在司理職務惟通政司達四方奏
牘早晚須朝今晚後府兵部必無當奏之事故不

朝不須罪

甲子

上御奉天門召六科給事中論曰朕君臨天下夙夜
拳拳惟欲軍民老少皆安爾等職居近侍比來皆
不聞一言及於軍民利病何也可退而思之條析
以聞朕將審擇行之又曰天立君以養民君不恤
民是不敬天君資臣以成治臣不輔治是不忠君
朕與爾等皆不可不勉 刑部尚書鄭賜言遼東
都司都指揮同知何琪不修邊備失悞軍機當斬
上曰守將所以捍禦外患一有不謹誤事非輕琪不

上能盡心邊事致虜侵掠不正其罪何以戒後來罪之如律

乙丑

世子 郡王高煦至京師

丙寅

撫安江西給事中朱肇言比者工部遣人於江西買牛令有司遞送淮安轉送北京給軍屯種未免勞民今江西浙江湖廣所屬郡縣積歲沒官牛共計五千餘頭俱在民間牧養若停收買以民間見養之牛轉送給軍則官民皆便

上命工部勘實先以牛給本處屯軍有餘者送北京給軍屯種 安定衛指揮朵兒只束等來朝自陳願納差撥馬五百匹命河州衛指揮僉事康壽往受之壽言必里罕東等衛所納馬其直皆河州軍民運茶與之今安定衛遙遠運茶甚難請給布絹為便

上曰諸番市馬皆用茶給著為令今安定衛來朝之初自願納馬其意可嘉姑以布給之後仍以茶為直於是上馬給絹二匹布二匹中馬絹一匹布二匹下馬絹一匹布一匹 罕東衛指揮僉事鎖南

吉刺恩同兄答力襲等十六人貢馬命答力襲為
本衛指揮使頭目奴奴為指揮僉事各賜冠帶鈔
幣

丁卯

諭中軍都督僉事李諒曰爾兄弟以掖庭之親得
至顯官建文中并遭罷黜朕即位之初篤念親
悉復厥職爾弟忠性資險僻語言悖妄朕慮忠將
自貽罪愆故特保全之命冠帶還鄉庶親之之恩
盡而君臣之禮不虧諒頓首謝

戊辰

改封懿文皇太子第四子敷惠王允熙為甌寧王
以奉懿文皇太子之祀詔天下曰朕開皇帝王之道
立愛惟親為子不祇不及於父朕

皇考聖神文武欽明啟運俊德成功統天大孝

高皇帝

皇妣孝慈昭憲至仁文德成天順聖高皇后咸有一
德克享

天心創業垂統傳之萬世朕長兄懿文皇太子降年
弗永厥子嗣立崇信姦回顛覆舊章戕害骨肉遂
及於朕舉兵相嚮必欲咸劉天下蕩然

社稷幾墜朕惟
祖宗積德之勤
母后創難不得已傳承
祖訓將除君側之惡以幾周公
輔成王之義賴
天與

祖宗之祐遂至京師而少主自絕于天闔宮赴火諸
王臣民合辭勸進朕以

宗社之重勉狗輿情祇承大寶長兄諸子允燿允燿
允燿并錫王封不意允燿允燿弗知省躬自生疑

懟朕以至親之故不忍譴責免為庶人用保全之
重惟長兄未有承祀其第四子允熙生十四年矣
器資端重今改封甌寧王世奉懿文皇太子之祀
於戲協和之道睦族為先博叙之仁維嗣為大展
予同氣之情庶盡親親之道 陞旗手衛指揮僉
事鄧鏞為指揮使

己巳

周王橚進頌九章及佾舞 文武群臣及京師軍
民耆老復士表勸立皇太子賜勅答曰朕惟建儲
嗣以定國家之本係華夷之望此古今通制比歲

親王數請建立卿等亦屢以為言忠誠懇至皆欲固基本為

宗社之計今俯徇所言以世子為

皇太子其令禮部外日具儀以聞定東宮儀仗時

禮部言東宮儀仗有司失紀載視親王差少宜參

考增製請增金香爐金香盒各一双又傳教藩信

幡告止幡各一對節髦幢各一對夾稍一對稍刀

盾各十對戟四對紅紙油燈籠三對紅羅銷金邊

圓傘紅羅繡圓傘各一紅羅曲蓋繡傘紅羅素圓

傘紅羅素方傘青羅青方傘各二紅羅繡孔雀方

扇紅羅繡四季花圓扇各四拂子二唾盂唾壺各

一鞍籠一証馬八匹令旗一對清道旗二對憶弩

一張白澤旗一對弓箭二十副桐鼓金鈺金鼓旗

各二面花匡鼓二十四面畫角十二枝板一串苗

二羅二叉戲竹一對龍笛四杖鼓十四面杖一串

大鼓一面頭管四從之

上召六科都給事中馬麟等諭曰為治貴得大体比

爾等疏駁奏牘一字之誤皆喋喋以言瑣碎甚矣

吏治文書叢脞積累其精力有時而敝豈免錯謬

自今奏內有數日月日等字錯謬者皆令從傍改

注用印蓋之不必以聞麟等言奏內有不寫字者
此當罪之

上曰下豈敢慢上或一時急遽漏寫有之必非故違
亦令從傍增之因曰爾等在朕左右凡天下何弊
當革何利當興何處軍民未安何人奸邪未去當
歷下言之勿隱若此細故可畧也

庚午

禮部上冊封儀注一冊立

皇太子及封親王儀注先期三日齋戒遣官祭告
天地

宗廟用香幣酒脯行一獻禮前一日禮部同鴻臚寺

官設詔案于奉天殿中設節冊寶案于詔案之南

節中冊東寶西各以次陳列設冊寶綵輿于冊陛

之東尚寶司設寶案錦衣衛設鹵簿儀仗教坊司

設中和韶樂如常儀至日鴻臚寺設

皇太子拜位于冊陛正中設親王位于後世子郡王

位又後各以長幼為序序班設持節等官拜位于冊

墀內引禮請

皇太子親王及世子郡王具冕服于文楼下候

上服袞冕御華蓋殿翰林院官捧詔尚寶司官用寶

訖禮部官捧置于案執事官行五拜禮畢鴻臚寺
官奏請陛殿導駕官前導樂作

上御奉天殿樂止尚寶司官以寶置于案文武百官
朝服行叩頭禮侍班引禮官六人導

皇太子引禮二人導親王及世子郡王俱由東陛
階至丹陛贊就位持節等官各就丹墀拜位贊鞠
躬樂作四拜樂止傳制官跪奏傳制俯伏興由左
門出西向立稱有制贊禮贊跪

皇太子親王世子郡王及持節等官皆跪宣制訖
贊俯伏興平身引禮導

皇太子由殿東門入至冊寶案前內贊贊跪贊宣
冊捧冊官跪捧開授宣冊官宣冊官立宣于

皇太子之右宣訖贊措圭贊授冊捧冊官捧冊授
皇太子受訖以授內侍內侍內受立於西贊授寶
捧寶官捧寶授受一如冊儀贊出圭俯伏興平身
贊復位引禮導

皇太子由殿東門出就位內侍捧冊寶前導貫絲
輿內引禮親王世子郡王由殿東門入至冊寶
案前內贊贊跪贊措圭俟諸王措圭訖贊授冊捧
冊官各以冊授諸王受訖各以授內侍內侍跪受

立於西贊寶授受一如冊儀贊出主俯伏與平身贊復位引禮導親王以下以次由殿東門出就位內侍各捧冊寶以次前導置綵輿內報執事官舉節冊案由殿東門出以置採輿內贊鞠躬樂作四拜樂止執事者各昇冊寶以次前行禮禮導皇太子親王世子郡王由東階降持節等官隨郡王後樂作至奉天門樂止用儀伏鼓樂迎冊寶至文華殿及各王邸禮畢持節官持節復命一冊皇太子妃及親王等妃儀注持節正副使等官捧皇太子妃節冊至左順門以節冊授內官往行禮北

向立俟冊由正門入將至內引禮請皇太子妃具禮服出迎于宮門外北至皇太子妃隨至拜位內官置節冊于皇太子妃之左宣畢跪授皇太子妃受訖以授女官女官跪受于皇太子妃之右贊興內贊四拜禮畢內官持節出皇太子妃送出宮門外內官報正副使禮畢其親王妃冊持節官各俸以行鼓樂導送至王邸行禮如皇太子妃儀禮畢各復命禮部官候冊命畢奉迎詔書于承天門讀書如常儀一

皇太子及親王世子郡王謁廟謝恩儀注

皇太子受冊寶畢即率受封親王世子郡王各具冕服儀仗引禮導引詣

太廟行謁告禮如常儀禮畢釋服引禮導引至左順門具冕服率受封親王及世子郡王謝恩

上具皮弁服御奉天殿引禮導

皇太子及親王世子郡王至

上前謝恩樂作行八拜禮畢樂止導還至右順門內

官導詣內殿前

皇后服燕居冠服陞內殿

皇太子親王世子以下於內殿丹陛行八拜禮畢以

次而出一皇太子妃及親王等妃謁廟謝恩儀注

皇太子妃以受冊日率親王世子及郡王妃各具

禮服詣

奉先殿行謁告禮如常儀禮畢女官導詣宮門俟

上具皮弁服

皇后燕居冠服陞座女官導各妃就內殿拜位行八

拜禮畢以次而出一親王見

皇太子儀注先是內官設

皇太子座於文華殿鴻臚寺設親王世子郡王拜位於殿陛上教坊司設樂錦衣衛設儀仗候王親世

子郡王賀

中宮禮畢引禮導親王世子郡王具冕服其未冕者便服序列於文華殿門外以候導引官導

皇太子冕服陞座引禮導親王世子郡王由東陞階就殿陛上拜位贊鞠躬四拜贊跪鴻臚寺官一人

詣殿門外王中跪致詞曰某王某等茲遇

皇太子殿下榮膺冊命禮當慶賀致詞畢贊俯伏興

四拜皇太子駕興親王世子及郡王以次而出是

日

皇太子率慶諸王詣武英殿見諸叔行家人禮四拜

諸王拜西向坐受見諸兄行家人禮二拜諸兄西向立

受次日文武百官進表箋慶賀如常儀後三日文

武百官便服見親王世子郡王於文樓下行四拜

禮其在王國者皆遣使行禮

上覽而是之以前福建布政司署右叅政事監生

岳福為兩淮鹽運司運使

上御武英殿與待臣論用人

上曰人君進一人退一人皆不苟必須厭服衆心若

進一人而天下皆知其善則誰不為善退一人而

天下皆知其惡則誰敢為惡無善而進是出私愛

無惡而退是出私惡徇私而行將何以服天下

太宗文皇帝實錄

太宗文皇帝實錄
永樂二年夏四月辛未朔享

太廟製東宮儀仗

勅北京留守行後軍都督府及大寧等都司曰朕惟天下武臣犯矢石冒霜雪累積勤勞致有爵位或承祖父功伐以得之蓋亦難矣往者有觸犯刑憲律應奪之者朕念前勞不忍遽絕皆遠謫以頓挫之使改過自新今已踰歲其自洪武三十五年至今年三月謫發者皆量情貸免情輕者俾復之重者仍令立功俟有功而後復之遣指揮完者禿等

賚勅往瓦剌諭馬哈木等曰朕承

天命主宰生民惟體天心以為治海內海外一視同
仁今天下底定四方萬國罔不來廷皆已厚加撫
綏懽忻感戴惟迤北諸部猶觀望進退出沒邊境
未有歸誠今遣指揮完者禿那海百戶亦剌斯等
往諭朕意夫天下一統華夷一家何有彼此之間
爾其遣人往來相好朕即授以官賞令還本地射
獵畜牧安生樂業永享太平之福并賜馬哈木等
文綺表裡遣使

勅諭和林等處韃靼頭目亦如之

簡東宮官屬

命淇國公丘福兼太子太師成國公朱能兼太子太
傅吏部尚書蹇義兼詹事府詹事陞工部右侍郎
金忠為兵部尚書兼詹事兵部右侍郎墨麟工部
左侍郎趙毅俱兼少詹事陞吏科都給事中朱原
貞刑科左給事中陸善俱為詹事府丞

壬申

命僧錄司左善世道衍為太子少師復其姓姚賜名
廣孝賜

勅諭曰卿秉性篤實學行老成事朕藩邸積有年歲
朕靖難之初卿侍左右謀謨弼贊裨益良多今建

儲嗣簡求賢輔以卿舊人特授太子少師夫太子
天下之本也必賴啓迪匡正輔成德器卿尚勉盡
厥職副朕眷倚之重欽哉

命禮部尚書李至剛兼左春坊大學士陸翰林院侍讀
學士解縉為本院學士兼右春坊大學士翰林院
侍讀黃淮為左庶子胡廣為右庶子胡儼左諭德
皆仍兼侍讀翰林院侍講楊榮右諭德仍兼侍講
以翰林院侍講揚士奇兼左春坊左中允改北京
刑部主事尹昌隆為左中允陸翰林院修撰李貫
右春坊右中允仍兼修撰

命吏部左侍郎許思溫兼左春坊左贊善陸翰林院
編修陳仲完左贊善仍兼編修檢討王汝玉為右
春坊右贊善仍兼檢討陸國子博士徐善述監察
御史王子沂俱為左春坊左司直郎國子助教晁
鑄刑科給事中王文貴俱為右春坊右司直郎刑
部司務楊正為左春坊左清紀郎國子博士楊斌
右春坊右清紀郎教授陳禧教諭黃貫俱左春坊
司諫教諭張詳梁良俱右春坊司諫陸翰林院編
修楊溥中書舍人姚友直俱為司經局洗馬溥仍
兼編修戶科給事中吳牧兼司經局校書吏科給

帖開馮逐日諸司所啓事及令旨所發落大畧奏
進六科給事中亦具題帖奏進一詹事府主簿錄
事同左右春坊司直郎清紀郎司諫等官遇啓事
各紀

皇太子令旨如所啓事或差訛隨即糾覈啓事畢
同詹事府官詳審事之可否可行者令該司批所
得令旨或事不可行及啓本內與稅帖不同不問
事之大小悉以奏聞一翰未完官日分二員司春
坊司經局官講書以五經四書通鑑大學衍義貞
觀政要等書進講須先纂其事之始終直述大義

輯成篇章進呈

御覽然後赴文華殿講說東宮師保及詹事府鴻臚
寺官并每科給事中一員侍立講畢衆官齊出若
有召問亦須前項官員一同進出如有獨進獨留
者許給事中鴻臚寺官并司直郎清紀郎糾覈一
九

上所處分五府六部軍國政務及撫諭四夷恩意其
大經大法詹事府官同春坊司經局官于文華殿
進講後衆官未退之時一一敷陳 改北京刑部
郎中李繼鼎為吏部儀制清吏司郎中兼右春坊

右贊善 廣西思明府知府黃廣成奏本府與安南接壤祿州西平州永平寨皆先臣故地邇歲安南屢興兵侵奪遂遽有之今遇

聖人悉遵舊制思臣土地累世相傳伏望天恩明其疆域論使歸還不勝幸甚

上納之新進士李衡自言臣父洪武中得罪死于法臣不當違令干進

上曰古之聖人亦有罪其父而用其子者但為子能改父行致顯聞於世足以為賢若以父死非命終身不仕亦未必合中道爾能力學以圖進用雖違

令而志可嘉朕不爾罪爾其勉之

甲戌

冊立世子 為

皇太子封第二子高煦為漢王第三子高燧為趙王諸王子未受封爵者嫡長子封為世子衆子為郡王冊張子妃張氏為皇太子妃第二子妃韋氏為漢王妃第三子妃徐氏為趙王妃皇太子冊曰朕承

皇考之基緒尊臨

大寶統御華夷一日萬幾兢業思惟天序之傳

宗祧之重三王通制天下為家有道之長為萬世
法咨爾朕之嫡長朕奉藩于燕爾為世子亦
既有年聰明仁厚孝友溫恭本乎天性朕平內難
爾有居守之功事上恤下至仁小心稽古建儲之
典授以冊寶命為皇太子正位東宮爾惟篤君臣
之義隆父子之恩夙夜祇承惟能事人足以使人
為善不難一念無間一念過虧大德之累爾寅念
之學通古今達事變學勿至迂明辨是非審權度
變勿至察嚴勿至猛寬勿至縱謙卑遜志容受忠
良勤儉安詳惠鮮衆庶以承

宗廟以保

社稷永延

國家萬年之慶爾其敬之

詔曰立太子以尊

宗廟重

社稷樹王國以廣藩輔隆本支非一家之私為天下
之公夏商周漢唐宋之盛用此道也朕

皇考聖神文武欽明啓運俊德成功統天大孝

高皇帝

皇妣孝慈至仁文德承天順聖

高皇后

聖靈陟降敷佑朕躬君臨

大寶夙夜靡寧思惟賢德傳序維城繼續神明之統

紀益為

考妣之光華監觀簡畀延歷于茲周王以宗室之長

宗屢表靖立太子封建諸王宗室群臣百姓合辭累

表謂朕長子足以嗣承

宗廟諸子皆足以夾輔邦家惟天下之通義詢衆志

之僉同乃于永樂二年四月初四日立長子

宗為

皇太子授以冊寶正位中宮一第二子高煦為漢

王第三子高燧為趙王尚念宗親溥施恩禮封楚

王第五子孟煒為崇陽王第六子孟燾為通山王

第七子孟燦為通城王第八子孟炤為景陵王第

九子孟燿為岳陽王蜀王第二子悅耀為華陽王

第三子悅燭為崇寧王第四子悅忻為崇慶王第

五子悅焮為保寧王代王長子遜熾為代世子第

二子遜焜為廣靈王遼王第二子貴恰為長陽王

第三子貴燮為遠安王第四子貴煊為興山王第

五子貴煊為巴東王第六子貴焮為潛江王第七

子貴燧為宜都王第八子貴蚡為松滋王寧王長
子磐斌為寧世子岷王長子徽煥為岷世子第二
子徽燦為鎮南王谷王長子賦灼為谷世子第二
子賦煥為醴陵王韓王長子冲煇為韓世子第二
子冲焮為襄陵王第三子冲焮為臨汾王晉王長
子美圭為晉世子於戲治法前王統承
列聖內外相維保

宗社萬年之福華夷同樂亘古今全盛之基布告天
下咸使聞知

乙亥

降遼東都指揮僉事吳立為百戶立以逗撓軍机
論法當斬特免死降職往寧夏立功以冊封禮
成宴文武群臣四品以上及近侍風憲官五品以
下人賜鈔一錠命婦朝于坤寧宮三品以上賜
宴五品以下者人賜鈔一錠

丙子

修和州含山縣崇義等堰

丁丑

諭三法司官曰天氣向熱獄囚淹久必病無所
仰給必死輕罪而死與枉殺何異今令五軍都督

府各部六科給事中協助爾等盡數日疏決之凡
死罪獄成者俟秋處決輕罪皆即決遣有連引待
辨未能決者皆令出獄聽候復諭之曰古人治獄
每於死罪中求其或有可生之道今不可使罪無
大小皆淪于死地刑罰公則民畏刑罰濫則民玩
不可不謹 陸湖廣寶慶府知府儀智為通政司
右通政兼右春坊右中允 前浙江布政司右叅
政趙壯使安南還奏對稱旨陞刑部右侍郎 復
設山西孤店兒關蓋其地山西行都司城北十八
里舊嘗設關以防虜後設東勝等衛而關在其內

遂廢至是東勝等衛俱調北京故復之

戊寅

吏科右給事孫璘密奏前日禮部所定給事中八
人頒詔外國皆素非誠實者時已行二日矣

上曰此非專出禮部定吏部亦言其可使故從之爾
在吏科與聞銓注之事彼既不誠爾早晚在朕左
右當言不然則未行之先當言何必俟其既去乃
言爾亦過矣夫人性皆善有不善者習使之然亦
如^在人主用之如何如叔孫通在秦則欺在漢則誠
裴矩在隋則佞在唐則忠本是一人但在人主能

用適適爾所言慎勿泄也

庚辰

封秦王尚炳庶長子志均為渭南王

命羽林前衛故千戶周邠生子興龍陞指揮同知

合戶部尚書王純以浙江左布政使致仕純河南
太康人洪武中舉秀才授禮部主事改湖廣長沙
府通判坐事免復舉明經授北平府通判入為吏
部試郎中陞福建布政司左叅議陞本司左叅政
奉使百夷百夷致贈遺固辭不得強受之至雲南
悉納布政司官庫

太祖高皇帝嘉之陞浙江左布政使建文中陞戶部

尚書

上即位

命解戶部之務月給尚書俸之半居京師命往北
京山東撫綏軍民經理屯戍至是以老賜

勅獎諭

命仍浙江左布政使之職致仕還鄉純有文學持身
廉靜然為人脂韋遇大議媿媿無所可否云 陞
前燕府良醫副使公望為太醫院判調北京光祿
寺丞張原為光祿寺丞擢監生湯銘游顏為刑科

給事中 托溫江女直野人頭目甫魯胡等來朝
授以元者衛百戶等官仍加賜賚

壬午

詔封汪應祖為琉球國山南王應祖故琉球山南王
時承察度從弟承察度無子臨終命應祖攝國事能
撫其國人歲循職貢至是遣使隗谷結制等來朝
命貢方物且奏乞如山北王例賜冠帶衣服
上諭吏部尚書蹇義曰國必有統衆必有屬既能事
大又能撫衆且舊王所屬意也宜從所言以安遠
人遂遣使賫詔封之并賜之冠帶等物而偕其使

俱還

癸未

麓川平緬甸諸宣慰司并木邦益養府土官俱
遣人來朝貢方物各賜之鈔幣時麓川平緬宣慰
使司行發所遣頭目刀門賴訴益養木邦數侵其
地禮部臣言宜以益養木邦貢使付法司正其罪
庶蠻夷知懼不敢侵越隣境

上曰蠻夷相攻奪自昔有之執一二人罪之未足以
革其俗且事曲直未明而遽罪其朝貢之使祇沮
遠人嚮化之心可令西平侯遣人諭之

甲申

文華寶鑑成先是

命侍臣輯自古以來嘉言善行有益于太子者為書以授太子至是書成名文華寶鑑

上御

奉天門召

皇太子授之曰修己治人之要具於此書昔堯舜相傳惟曰允執厥中帝王之道貴乎知要知要便是為治爾其勉之皇太子拜受而退

上顧翰林學士兼右春坊大學士解縉等曰朕皇考訓戒太子嘗採經傳格言為書名儲君昭鑑錄朕此書稍充廣之益以

皇考

聖謨大訓以為子孫帝王萬世之法誠能守此足為賢君昔秦始皇教太子以法律晉元帝授太子以韓非書帝王之道廢而不講此所以亂亡朕此書皆大經大法卿等兼輔東宮從容閒暇亦當以此為說庶幾成其德業他日不失為守成令主命戶部歲支靖江王祿米三百石俟豐稔全給

釋

命安慶府民誹謗罪先有典伏率軍卒往安慶採木道過民家縱軍強取民財民將訴于官典伏教軍誣民為誹謗語縛送刑部獄具刑部以聞上曰民被誣矣諺恒言軍強民弱民安敢肆焉對官軍出誹謗語此必官軍厲民不堪將訴之而軍造此語誣民命五府六部都察院共訊其實悉如上所云遂釋民而抵官軍罪并罪刑部官之枉民者

乙酉

免北京順天永平保定三府所屬始終效順民戶

稅糧一十九萬九千七百餘石蓋去歲命刑部覈實至是以聞遂免之長山王賢峻來朝朝鮮

國王李芳遠琉球國中山王世子武寧及諸番酋長俱遣使奉表貢方物賜其使鈔幣有差先有詔命武寧王爵猶稱世子者詔命未至故也夜

火星犯天罇西星

丙戌

命羽林前衛故指揮同知陳旺姪廣龍職春坊官勅奏中軍都督僉事李諒于文華殿早朝百官退班之後獨進啟事有違禮法請治諒罪

上命姑宥之而賜車馬。臣議朝儀凡百官朝謁東宮偕進偕退不許獨留私見乃謹始防微之道也。令行之初爾首犯之帝王行法先於貴近朕念親之之故姑曲宥爾不問其戒之慎之非分之恩不可再得爾其致哉。車里宣慰使刀暹峇遣人來朝謝罪。初刀暹峇擅發衆侵威遠州地擄其知州刀美黨等事聞。上命西平侯沐晟遣人諭之如其不悛調兵剪滅。

於是刀暹峇懼還所擄知州及威遠州之地遣弟刀臘等詣京貢馬及方物謝罪。都察院臣奏宜先下刀臘等於法司而後逮問。刀暹峇庶幾以示懲戒。

上進都御史陳瑛諭之曰蠻夷禽獸之性稍不相得輒相讎既能改過即已何必與較。今改過而復罪之如其不改何以加法不聽。初廣西柳州慶遠等府忻城宜山等縣以洞蠻陳公宣等出沒為寇請發兵勦捕。

上命廣西都指揮使撫諭之俾安業如其不悛進兵。

討之至是都指揮朱輝等奉^詔詣蠻洞諭以德意
賊首陳公宣等皆相率從化凡千三十五戶 刑
部右侍郎趙昶劾奏都指揮使張遠於北京貪贓
虐民等事

上曰朕每遣將臣於外其陛辭之際必戒之恤士卒
安百姓以保爵祿今此輩恃功犯法肆無畏憚不
治之無以示懲

命下之獄

上御

奉天門視朝罷召六科給事中諭曰朕日臨百官

可否庶務或有失中爾等宜直言無隱又顧翰林
院學士解縉等曰敢為之臣易求敢言之臣難得
敢為者疆於己敢言者疆於君所以王魏之風世
不多見若使進言者^每所畏聽言者無所忤天下何
患不治朕與爾等皆勉之

丁亥

萬壽聖節

上御

奉天殿受朝賀大宴文武群臣及四夷朝使 命婦
朝

皇后于坤寧宮賜宴

戊子

黑龍江等處女直野人及寅加等來朝賜鈔及文

綺表裏

夜金星火星同在井宿

己丑

勅諭文武群臣曰今天下雖安民未蘇息而郡縣豪猾遇有征徭並緣為奸細民不勝盜賊滋起爾等其悉心政務祛除民蠹毋橫歛一錢毋妄興一役存恤軍民勸課農桑慎固封守輯寧邦國臻于至理以稱朕閔念元之意吏部尚書蹇義奏請明

日選官

上諭之曰爾當職專銓選辨別邪正但當揆理不當任情揆理則以是非為進退任情則以從違為取舍慎之慎之又曰用人之道各隨所長才優者使治事德厚者令牧民蓋有才者未必皆君子有德者必不同小人不可不察指揮蕭上都等自兀良哈還韃靼頭目脫兒火察哈兒兀等二百九十四人隨上都等來朝貢馬命脫兒火察為左軍都督府都督僉事哈兒兀為都指揮同知掌朵顏衛事安出及土不申俱為都指揮僉事掌福餘衛

事忽剌班胡為都指揮僉事掌泰寧衛事餘及所
舉未至者總三百五十七人各授指揮千百戶等
官賜誥印冠帶及白金鈔幣靛衣脫兒火察言有
馬八百餘匹留北京願易衣物命北京行後軍都
督府及太僕寺第其馬之高下給價償之 孟定
府土官知府刀景發遣頭目刀罕來朝貢馬賜鈔
及羅綺

庚寅

改北京刑部右侍郎劉翼南為禮部右侍郎陞前
北平府知府杜智為陝西右布政使通判鍾永為

湖廣布政司右叅議 長山王賢俊辭歸賜之鈔
幣并賜其從官鈔 賜外夷朝鮮等國使臣宴
四川富義鹽課司秦家井灶丁言本井歲額鹽已
有正丁煎辦今資縣居化鄉羅召竹筒井水賦薪
便乞令灶戶餘丁開煎從之

辛卯

貴州水東乖西二蠻夷長官向四等來朝貢馬賜
鈔四百八十錠

壬辰

復遷江縣知縣梁護為浙江道監察御史護建文

中出知遷江丁毋憂至是服闋來朝故復之

癸巳

陞金吾左衛千戶賈真為本衛指揮同知馮成張
伏陸俱為指揮僉事

甲午

賜周王搆紗五十匹毳線將樂布各百匹日本扇二
百握更定天下衛所屯田守城軍士視其地之
夷險要僻以量人之屯守為多寡臨邊而險要者
則守多於屯在內而夷僻者則屯多於守地雖險
要而運輸難至者屯亦多于守

勅諭廣東都司布政司按察司官曰往歲都督韓觀
奏鍾均道已死朕即不復究理今布政司言其尚
在欲調兵勦捕事之未明不足深究爾等但盡
撫綏下人之道無為多事以擾害之夫上有愛

民之實將下無失所之民既得所自不為患
且人孰不願為善間為不善亦有出於不得已
者既能改過亦務容之無絕其自新之路若此
人果在能不為非即聽其安生樂業不必究問
今九夷八蠻自昔未歸附者皆來朝貢隨其大小
授以明爵苟鍾均道果不死能幡然悔過來歸

朕亦謹遵

太祖皇帝待杜回子之道處之豈忍使其終身栖
偷生山林而不在吾化育之內哉鍾均道者建文
中嘗作亂南雄韶州諸郡之間聞

上即大位遂潛伏無踪跡其黨亦散相傳均道已死
及是有言其未死者然終無實驗云 擢山陰縣
知縣王士嘉為陝西按察司僉事賜國子監雲南
生張林等二十八人夏衣遵舊製也 思南宣慰
使田大雅與其祖母來朝貢方物賜大雅鈔百錠
綵幣四表裏加賜其祖母鈔幣其從行頭目賜鈔

有差 夜有星^如雞子大青白色有光自翼宿東南
行至游氣

乙未

左春坊左庶子兼翰林院侍讀黃淮等言左右春
坊并司經局吏無額設乞于吏部借撥辦事吏三
名

上命各設司吏一名著為定例 雲南灣甸千崖二
長官司土官刀木永等各遣子來朝貢馬及方物
賜鈔及文綺綵絹

丁酉

命金吾左衛故指揮僉事林茂孫叢龍陞指揮使給
俸優養 夜水星犯畢宿右股北第一星
巳亥

復鄔陵知縣姜觀為福建道監察御史觀洪武中
為御史建文初出知鄔陵至是召復舊職云 設
老搨軍民宣慰使司以土官刀線歹為宣慰使命
禮部鑄印給之 九溪上峒土酋安定踵遣子麥
直踵等來朝貢方物賜之鈔幣

庚子

陞金吾右衛副千戶張買驢為指揮僉事

太宗文皇帝實錄

太宗文皇帝實錄

永樂二年五月辛丑朔

禮科言國子監祭酒徐旭坐書奏不謹當降

上問吏部尚書蹇義旭為人何如對曰有文學持守
命而於人寡合

上曰持守之人固當寡合蓋其中有所主而不能脂
韋依阿於外况兼有文學宜寘之近侍遂命為翰
林修撰 巡按北京監察御史周新言北京所屬
吏民有犯徒流者蒙恩免罪就發北京人少處為
民種田公私兩便然監候詳擬往復數月飢窘憂

愁多死獄中請今後死罪及職官有犯詳擬待報
其吏民所犯徒流者悉從北京刑部或監察御史
詳擬允當就發種田如此則下無淹禁之患而上
不負寬恤之恩

上諭都察院臣曰御史言是且

命北京百姓有犯應決者許收贖 夜金星犯鬼宿

西北星

壬寅

遣使賜谷王穗紗布鈔扇

命豐城侯李彬統領官軍往鎮廣東等處

命清遠伯王友克總兵官都指揮僉事郭義克副總

兵師往海道巡哨如遇寇賊就行勦捕仍戒友等

遇番國進貢舡不得擾害 陞建昌府學校教授于

敬為江西道監察御史 復楊直為浙江道監察

御史直洪武中為御史建文初陞青州知府坐免

至是召至復其舊職 夜有星如蓋大青白色光

燭地出相星旁東北行至游氣

癸卯

夜水星犯六諸王西第三星

甲辰

禮部尚書李至剛等奏琉球國山東王遣使貢方物就令賫白金詣處州市磁器法當逮問

上曰遠方之人知求利而已安知禁令朝廷於遠人當懷之此不足罪 寧夏總兵官左都督何福請以平涼慶陽二府鹽糧每引納米四斗五升每引納米六斗從之

乙巳

設散毛施南二長官司置流官吏目各一員其地故元時俱置宣慰司洪武六年改散毛沿邊并施南二宣撫司又設龍潭安撫司隸散毛沿邊二十

三年以蠻人梗化遂廢後于散毛沿邊設大田軍民千戶所至是故土官之子覃友諒等奏比年招復蠻民歲輸租稅請仍設治所以其戶少乃降為長官司俱隸大田軍民千戶所命覃友諒為散毛長官田應虎副之覃添福為施南長官覃敬副之各給印 端午節賜文武群臣宴

丙午

夜有星如斗大赤色有光出中天雲中西北行至雲中

丁未

夜有星如盞大赤色有光燭地出北斗魁北行文
昌

戊申

陞大理寺左寺正陳援為本寺右寺丞通政司右
通政兼右春坊右中允儀智為湖廣右布政使應
天府丞王公亮為四川右布政使吏部郎中張啓
為浙江右布政使工部郎中劉俊為江西右布政
使饒州府同知任勉為福建布政司右叅政吏部
郎中時泰為江西布政司右叅政尹必用為浙江
布政司右叅政戶部郎中羅雅為山東布政司左

叅政刑部員外郎周成為左叅議戶部郎中楊蕃
福建布政司右叅政兵部郎中崔恂為雲南布政
司左叅政姚肇為右叅政刑部郎中李泰葉溥俱
為廣東布政司右叅政工部員外郎呂惟得為右
叅議吳淵為廣西布政司右叅議刑部郎中王英
為陝西按察使刑部主事陳有常山西道監察御
史成寧可俱為廣東按察司副使浙江道監察御
史何廣為陝西按察司副使陝西道監察御史劉
文為浙江按察司副使鎮遠州知州徐善安為僉
事北京道監察御史孫碩為山西按察司副使廣

西道監察御史陸廣平為廣西按察司副使四川
道監察御史張壽為江西按察司副使虞文達為
福建按察司副使工部司務遠方為僉事山東道
監察御史康郁為雲南按察司副使刑科給事中
周彥奇兵科給事中龔鏞俱為僉事兵科給事中
張恂為山東按察司僉事吏科給事中梁觀為四
川按察司僉事戶科給事中姚山為河南按察司
僉事安仁縣典史李素為山西道監察御史
己酉
錦衣衛奏明日

上詣

孝陵請具法駕

上曰不用但以騎士教人前導——已而顧侍臣曰明

日

皇考升遐之日正屬感慕之時何用法駕非為辟除
道路則前導騎士亦可不用

辛亥

擢舉人莫福為刑科給事中 以征討奇功陞羽
林前衛指揮同知子興子鎖兒為本衛指揮使千
戶任真子得為指揮同知

壬子真子...
改戶部右侍郎劉觀為都察院右副都御史

癸丑...
修山東鄒平縣小清河隄岸三百八十四丈

甲寅...
置山東臨清縣丞主簿各一員右軍都督僉事

景福辛福鳳陽臨淮人洪武中為會州衛指揮同
知

上初起義福率所部從積功至都指揮使陞右軍都
督僉事至是辛命有司舉恤典

乙卯

擢監生朱政黃理柴震俱為兵科給事中西安府
經歷黃友信為陝西道監察御史以熊宗魯為

江西布政司右叅議宗魯洪武中以監生署山西
右叅議調北平布政司建文初降濠化州知州至
是召還實授舊職設廣西思明府憑詳縣以土
官李昇為知縣置流官典史一員初憑詳止設巡
檢司昇嘗為本司巡檢至是上言其地瀕安南而
百姓樂業生齒日繁請改為縣以便撫輯從之

丙辰

山東臨清縣會通稅課局言比歲市鎮經兵民皆
流移兼連年蝗旱商旅不至所徵課鈔不及請減
舊額戶部以聞

上曰兵旱之餘尚可徵稅耶其悉免之俟豐歲百姓
復業商旅通行然後徵之甘肅總兵官左都督宋
晟言甘肅鎮番衛與胡寇接境原調莊浪千戶所
軍九百備禦今屯田之外止存五百八十不足調
用命以鞏昌衛所帶營中左所軍益之

戊午

上御右順門永春侯王寧侍從容論及

皇考時事

上戒馬動容寧曰世人竭誠誦經飯僧奉佛可以福
利先親

上不荅既而諭之曰為庶人能繼承家業不失墜或
又能擴充增益於前可以為孝士居官食祿能持
身循理建立功業蒙親於當時顯名於後日可以
為孝天子以四海為家能思天位者親之所傳大
業者親之所建天下生民親之所保而敬以奉天
勤以守業仁以臨民使萬物得所四夷咸賓光昭
祖宗傳之子孫可以為孝何必能事佛乃為孝乎

既而復曰元季天下鼎沸生民塗炭父母妻子不相保我

皇考奉

天命戡定禍亂立綱陳紀使強不敢凌弱衆不敢暴寡天下晏然有莫大之功德則必享莫大之福矣豈他福之所能及也寧慚而退

己未

復閩清縣知縣沈源廣東道監察御史源建文中所黜也擢庶吉士杜欽黃惟正郎慶俱為戶科給事中周玉羅亨信張侗及監生胡昌俱為工科

給事中

壬戌

夜有星如蓋大青白色光燭地出危宿東北行至雲中

甲子

命金吾左衛故千戶羅壯子五十襲陞金吾右衛指揮僉事

丙寅

擢庶吉士林正魏暹喻則成白瑜鄭蘭進士封攷昶趙登監生陶瑋陳貞裴川俱為給事中復廣

西東蘭州吏目黃思賢為山東按察司僉事思賢
建文中坐事降職至是以考滿至京遂復之裁減
湖廣瀝溪縣丞主簿

丁卯

命八百大甸土酋刀招你遣頭目板暖等來朝貢方
物賜贖有差 興安伯徐祥卒^祥大冶縣人以軍功
為燕山右護衛副千戶

上居藩邸時以祥謹直命侍衛左右及舉義祥竭力
從征破居庸關攻真定援永平戰靈璧皆與有功
累官至都指揮使封興安伯祥在諸將中年稍高

及為伯益勤慎未嘗驕怠卒年七十三

上輟朝三日遣官賜祭仍賜鈔四千錠恤其家子永
早卒命孫亨襲爵

戊辰

工部言太平府當塗縣慈湖等處上通宣歙東抵
丹陽湖西接蕪湖地多瀕江比雨水浸淫及海潮
漲溢決隄傷稼宜遣人相度修築

上從之又諭之曰緣江低窪之處非止當塗一縣霖
潦傷稼必多宜分遣官乘傳往視凡浙江江西湖
廣安慶蘇松等府遇湖泊窪下圩岸頽圯^仍督有

司修築 浙江台州府黃巖縣言縣境混水等處
舊設十五閘六陡門渚水溉田及防海潮每閘置
十夫以司啓閉近水道堙塞閘門朽壞每遇風潮
不能捍禦田旱不得灌溉宜集民修浚從之
己巳

設八百者乃八百大甸二軍民宣慰使司以土酋
刀招你為八百者乃宣慰使其弟刀招散為八百
大甸宣慰使遣員外郎左洋往賜誥印冠帶襲衣
并遣使賜麓川平緬甸老撾諸宣慰使司及孟
定波勒威遠等府州亦如之 湖廣布政司言長

沙澗陽益陽岳州安鄉華容常德龍陽武陵荊州
石首監利江陵諸縣霪雨湖水泛溢壞民居田稼
命戶部遣人馳驛撫視

太祖文皇帝實錄

太宗文皇帝實錄

永樂二年夏六月庚午朔

秦王尚炳遣指揮陸榮等奉表箋賀冊封賜榮等
鈔幣

辛未

楚世子孟燒來朝

勅諭臨邊漫散官軍人等曰爾等昔在兵戈艱難之
際不得已漫散流雜寄身邊塞苟延餘生今年^天下
已定雖欲來歸無由自達特遣人賫勅諭爾往^事
俱在赦前已寘不問宜皆挈家來歸官復原職軍

復原伍民復舊業若遲疑不歸悔將無及

癸酉

遣官祭中雷改木邦孟養二府為軍民宣慰使司以知府罕的法刀木旦為宣慰使賜之誥印俾子孫世襲其官處州青田縣民劉豹進

太祖高皇帝所賜其祖誠意伯基手詔八道祭文一道賜鈔五錠高平王濟燁平陽王濟曠遣千戶黃鉞等奉表箋賀冊封賜鉞等鈔幣百戶李誠等招諭流移海島軍民陳義甫等來歸

上嘉勞之義甫等言流民葉得義等尚在東洋平湖

未歸復遣誠及義甫賫勅往招諭之修河南府

孟津縣河隄

甲戌

復太平縣典史王敏為北京道監察御史敏洪武

中御史建文初坐事降職至是丁父憂服闋命復

舊職云也雲南前衛土官指揮董保安寧州土官

知州董節八百土酋刀招散等各遣人來朝貢馬

及方物賜鈔幣有差湖廣九溪衛指揮同知董

賢言本衛邊臨溪洞蠻夷叛服不常城不堅固必

加包砌乃可備禦命於農隙之時次第修之夜

有星如雞子大青白色光燭地出東北雲中西北
行入天船

丙子

擢貴東縣典史李輅唐縣典史劉冕俱為監察御
史楚世子孟烷辭歸賜之鈔幣賜其從官鈔有
差時復建文中所黜內江縣知縣易忠為監察御
史大理府同知儲顥為廣西左布政使南海縣丞
王文約為廣西按察司僉事

丁丑

以戰歿功命故都指揮僉事木剌忽侄典孫龍從

父舊職金吾右衛指揮同知故金吾左衛千戶李

晉賢奴子貴龍陞本衛指揮同知故千戶李甫子

凱包羊兒子勝張巖子福興俱龍陞本衛指揮僉

事並給全俸兵部奏濟寧衛指揮同知李壽保

卒無嗣其祖勝年老不任事命以指揮同知俸養

勝終身

命戊寅

夜有星如盞大青白色光燭地出七公西北行至

近濁

己卯

陸羽林前衛指揮使李岳為河南都指揮僉事寬
河衛指揮使李玉為山西行都司都指揮僉事通
州衛指揮使許溥為湖廣都指揮僉事
命羽林前等衛指揮尚郁等五人賫勅往諭兀良哈
等處人賜鈔五十錠

庚辰 命兵部自今各都司布政司奏報軍情急務許馳驛
以河道未通徙東昌遞運所於陸路為巢陵遞運
所
餘并給遞運便船

壬午

復河南陝西都轉運鹽使司運使許昱官昱洪武
中任運使建文時坐罪謫戍雲川衛至是赴京自
陳故復之 以征討奇功陞金吾右衛副千戶張
原為本衛指揮僉事

甲申

朝鮮國王遣陪臣呂稱等來朝貢馬及方物賜鈔
幣表裏兵部言遼東人多亡居朝鮮者近招復萬
七百餘人未復者尚多

上命禮部諭稱等俾歸言於王遣還

乙酉

賜朝鮮安南諸國使者及雲南八百等處土官宴
刑部奏河間府民有訟其母者有司不當受辭
又擬其罪

上曰然世豈有無母之人古稱天下無不是底父母
此輩逆天非復人類有司不罪之乃論其母罪是
豈可使牧民執其子及有司罪之 中軍都督府
奏卒有畜馬者為牛觸死宜責償

上曰虎尚有為牛舐死者况馬乎富家欲市一馬不
易得卒安能償其免之 夜望月食

丁亥

上命吏科給事中曹崇曰官冗則坐食者衆食衆則
力本者困夫生息之道由於節儉朕昨觀吏部所
錄中外官數比舊額增數倍古云官不必備惟其
人爾以朕意語吏部令諸司悉汰冗官庶幾省國
用舒民力 陸崇陽縣知縣孔禧為應天府治中
復建文所黜湘鄉知縣陳珪監察御史 鴻臚
寺右少卿汪泰以罪誅泰嘗奉使朝鮮受其餽贈
使還匿不奏至是本寺左少卿樊敬復奏泰私交
權貴特命誅之 修湖廣邵陽縣山槎橋

戎子

安南國王胡奩遣使奉表謝恩

上命禮部臣諭之曰安南昔稱知禮之國今思明府言祿州西平州永平寨皆思明故地與安南接境安南奪而有之其歸語王如非安南地則速歸之保境安分博修隣好可以長享富貴也 戶部尚

書郁新言公侯駙馬伯儀賓祿米舊於蘇州秋糧內給之令民如數盡輸其家比年蘇州水患糧額虧損請如文武官例米鈔兼支自明年始祿五千石至三千五百石者支米二千石二千五百石者

支米千五百石二千石者支米千石千五百石至千一百石者支米八百石一千石者支米七百石九百石者支米六百石八百石者支米五百石四百石者支米二百五十石餘並準支鈔惟二百石以下全支米從之

己丑

吏部尚書兼詹事府蹇義等言在京各衙門官原有定額近因事煩額外添設不無冗員宜令各衙門依定制選留餘並送部別用在外大小衙門官亦有多設宜令所隸上司嚴行考覈其罷軟不勝

及老病貪酷者悉送赴部今年所取進士諸司無缺銓注各王府教授伴讀多缺擬于第三甲內選用仍令食進士八品之祿第二甲第三甲擬量留七十員外隸諸司觀政遇缺取用餘悉遣歸進學凡冠帶舉人亦令歸進學以待後科會試諸司歷事監生例應三月後授官近因少缺有一年未授者而內府辦事監生止是膳馬奏本查理文冊稽筭數目別無政務比內官監奏准半歲授官而歷事監生有政務者授官及遲今後宜令所司內府辦事監生月日滿者定例給賞仍令回監進學依

次歷事出身

上皆從之

庚寅

陞陝西按察副使宋性為布政司右叅政性洪武末署刑部右侍郎建文中出為湖廣按察副使永樂初調陝西至是召至遂以為叅政命隨戶部尚書夏原吉往松治水

辛卯

朝鮮國王李芳遠遣使送耕牛萬頭至遼東先是

上敬廣屯田于遼東命禮部遣人徵牛于朝鮮至是
送至命戶部每一牛酬絹一疋布四疋仍賜其王
文綺表裏各百六十勅遼東都司以牛分給屯戍
戶部言直隸蘓松浙江嘉湖等郡水民飢命監
察御史高以正等往督有司賑之 夜有星如盞
大青白色有光出壘壁陣南行入羽林軍

壬辰

上御右順門因與侍臣論刑賞侍臣進曰古稱賞人
以官不若賞人以財

上曰此語蓋為濫官發以朕論之亦未盡善若人君

一心愛民則二者皆重蓋知財出於民力則必不
肯輕與知官所以養民則必不肯輕授

癸巳

代王桂遣典儀正張勵奉表箋賀冊封賜勵鈔及
綵幣

甲午

上命禮部臣曰會試下第舉人既多其中必尚有可
取者蓋慮一時匆猝或本有學問而為文之際記
憶偶差遂致謬誤或本不謬誤而考閱之官神情
昏倦失于詳審以致黜落此皆可矜其令翰林院

出題更試擇文詞優等者以聞遂得貢士張鉉等
六十人以奏

上召見皆賜冠帶命于國子監進學以俟後科且勉
之曰士當立志志一則工專工專則業就爾等子
學已有根本但更百尺竿頭進步爾後科第一甲
人有不在爾曹乎其往勉之 封哈密安克帖木
兒為忠順王時安克帖木兒遣使來朝表請賜爵
上命禮部尚書李志剛會太子太傅成國公朱能等
議至剛等議奏安克帖木兒兄忽納失里兀封威
武王改封肅王忽納失里卒安克帖木兒繼為肅

王今既內屬宜仍王爵而改封之

上曰前代王爵不足再論今但取其能歸心朝廷而
封之使守其地綏撫其民可也遂封為忠順王遣
指揮使霍阿魯克等賫勅封之并賜之絲帶

乙未

命太子少師姚廣孝等往蘇湖賑濟

上諭之曰人君一衣一食皆民所供民窮無衣食豈
可不卹君父也民子也為子當孝為父當慈各務
盡其道爾卿往體朕此心不可為國惜費蓋散財
得民仁者之政

勅捕倭總兵官清遠伯王友副總兵都指揮僉事郭
象前以海寇為患命爾等統兵巡捕務在廓清近
大謝批渚赤坎寨胡家港諸處海寇登岸殺掠軍
民爾等生視不理養寇害民論法當誅今姑記爾
罪即整飭將士晝夜運謀奮力勦除此寇以贖前
罪然寇多譎詐巧于窺伺宜善為進止務出萬全
庶副朕委任之重

丁酉

鎮守寧波都指揮曹英言觀海衛城垣塌三百
八十餘丈請命修築從之

己亥

福建永寧衛千戶張諫及軍民捕獲海賊有功命
兵部給賞捕獲者人鈔四十錠鄉民覘報賊情者
人鈔十錠俱令所在官司給之 是月命徐景昌
罷父爵為欽承祖業推誠效義武臣特進榮祿大
夫右柱國定國公歲祿二千五百石子孫世襲賜
誥券景昌徐增壽之子也

太宗文皇帝實錄





